

ლანჩხუთის მუნიციპალიტეტის საკრებულოს
იურიდიულ საკითხთა და ეთიკის კომისიის
სხდომის ოქმი №6

ლანჩხუთი

18.11.2021 წელი

11.00 საათი

სხდომას თავმჯდომარეობდა ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის თავმჯდომარე – ვერიკო კვიციანი.

სხდომას ესწრებოდნენ: კახა ბოლქვაძე, გოდერძი ქურიძე.

არ ესწრებოდა: კახაბერ ასკურავა.

მოწვეული: ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი როლანდ ლაშხია.

სხდომის თავმჯდომარემ, ვერიკო კვიციანი, სხდომა გახსნილად გამოაცხადა და კომისიის წევრებს გააცნო დღის წესრიგის პროექტი.

დღის წესრიგის პროექტი:

1. „ლანჩხუთის მუნიციპალიტეტის 2022-2025 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: ვერიკო კვიციანი/

2. „ლანჩხუთის მუნიციპალიტეტის 2022წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი: ვერიკო კვიციანი/

3. სხვადასხვა საკითხები.

კომისიის თავმჯდომარემ ვერიკო კვიციანი კენჭი უყარა დღის წესრიგის პროექტს.

კენჭისყრის შედეგები:

მომხრე - 3

წინააღმდეგი - 0

დღის წესრიგი

1. „ლანჩუთის მუნიციპალიტეტის 2022-2025 წლის პრიორიტეტების დოკუმენტის დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: ვერიკო კვიციანი/

2. „ლანჩუთის მუნიციპალიტეტის 2022წლის ბიუჯეტის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტის განხილვა.

/მომხსენებელი: ვერიკო კვიციანი/

1. დღის წესრიგის პირველ საკითხზე - „ლანჩუთის მუნიციპალიტეტის 2022-2025 წლის პრიორიტეტების დოკუმენტის დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი სხდომას გააცნო მერიის საფინანსო-საბიუჯეტო სამსახურის უფროსმა როლანდ ლაშხიამ, მისი თქმით 2022-2025 წწ-ში მუნიციპალიტეტის სტრატეგია თითქმის უცვლელია და ლანჩუთის მუნიციპალიტეტის ძირითადი პრიორიტეტები 4 წლიან საშუალოვადიან პერიოდში ასეთია:

1. ინფრასტრუქტურის განვითარება;
2. დასუფთავება და გარემოს დაცვა;
3. განათლება;
4. კულტურა, ახალგაზრდობა და სპორტი;
5. მოსახლეობის ჯანმრთელობის დაცვა და სოციალური უზრუნველყოფა;
6. მმართველობა და საერთო დანიშნულების ხარჯები;

საკრებულოს იურიდიულ საკითხთა და ეთიკის კომისიამ წარმოდგენილი განკარგულების პროექტი მომზადებულად ცნო საკრებულოს სხდომაზე განსახილველად.

სხდომის თავმჯდომარემ კენჭისყრაზე დააყენა საკითხი.

კენჭისყრის შედეგები:

მომხრე-3

წინააღმდეგი - 0

2. დღის წესრიგის მეორე საკითხზე - ლანჩუთის მუნიციპალიტეტის 2022წლის ბიუჯეტის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი სხდომას გააცნო მერიის საფინანსო-საბიუჯეტო სამსახურის უფროსმა როლანდ ლაშხიამ. მან განმარტა, რომ მუნიციპალიტეტის 2022 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 1551 მუხლის 2-ე პუნქტის მოთხოვნებს.

2022 წლის პროგნოზით მუნიციპალიტეტის ბიუჯეტის შემოსავლები ნომინალურ გამოხატულებაში 13174,5 ათას ლარს შეადგენს. 2021 წლის გეგმიურ მაჩვენებელთან შედარებით 2022 წლის შემოსავლების პროგნოზი იზრდება 847,7 თასი ლარით (6,9 %-ით). მუნიციპალიტეტის ბიუჯეტის გადასახდელები:

მუნიციპალიტეტის ბიუჯეტის გადასახდელების მოცულობა შეადგენს 13434,8 ათას ლარს (2021 წლის დამტკიცებულ გეგმასთან შედარებით იზრდება 1110,3 ათასი ლარით). აღნიშნული ზრდა გამოწვეულია მომსახურების ხარჯების ზრდით. პრიორიტეტების მიხედვით გათვალისწინებულია:

ინფრასტრუქტურის განვითარება - 2026,9 ათასი ლარი; მათ შორის:

საგზაო ინფრასტრუქტურის განვითარება - 337,8 ათასი ლარი;

წყლის სისტემების განვითარება - 85,0 ათასი ლარი;

გარე განათება - 560,0 ათასი ლარი;

მშენებლობა, ავარიული ობიექტების და შენობების რეაბილიტაცია - 100,0 ათასი ლარი;

ქვეპროგრამის ფარგლებში განხორციელდება მუნიციპალიტეტის საკუთრებაში არსებული ადმინისტრაციული და სხვა შენობების მშენებლობა-რეაბილიტაცია.

კეთილმოწყობის ღონისძიებები - 143,5 ათასი ლარი;

საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრულია 780,0 ათასი ლარი; პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის დამზადების ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

დასუფთავება და გარემოს დაცვა განისაზღვრა - 1580,9 ათასი ლარი, მათ შორის:

დასუფთავება და ნარჩენების გატანა - 1422,9 ათასი ლარი.

პროგრამის ფარგლებში განხორციელდება მუნიციპალიტეტის დაგვა-დასუფთავება და ნარჩენების გატანა.

მწვანე ნარგავების მოვლა-პატრონობა, განვითარება - 138,0 ათასი ლარი. მოსახლეობისთვის ჯანსაღი და კომფორტული გარემოს შესაქმნელად აუცილებელია მუნიციპალიტეტის გამწვანება და ეკოსისტემის გაუმჯობესება. პროგრამის ფარგლებში მოხდება ქალაქ ლანჩხუთში მწვანე ნარგავების მოვლა-პატრონობა, მუნიციპალიტეტის ტერიტორიაზე არსებული სკვერების მოვლა-პატრონობა.

უპატრონო ცხოველების მოვლითი ღონისძიებები - 20,0 ათასი ლარი;

პროგრამის ფარგლებში განხორციელდება მაწანწალა ცხოველების დაცვითი ღონისძიებები.

განათლება - 2730,5 ათასი ლარი, მათ შორის:

სკოლამდელი განათლება - 2700,0 ათასი ლარი;

2021 წელთან შედარებით ცვლილება არ განხორციელებულა;

განათლების ღონისძიებები - 30,5 ათასი ლარი

კულტურა, ახალგაზრდობა და სპორტი - 2431,5 ათასი ლარი მათ შორის:

სპორტის განვითარების ხელშეწყობა - 1173,5 ათასი ლარი;

პროგრამის ფარგლებში დაგეგმილია სპორტული სკოლების ფუნქციონირების ხელშეწყობა ჯანსაღი მომავალი თაობის აღზრდის მიზნით. ასევე, სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული სკოლების უზრუნველყოფა საჭირო ინვენტარით. პროგრამა ითვალისწინებს ლანჩხუთის მუნიციპალიტეტში მცხოვრებ წარმატებულ სპორტსმენთა და მწვრთნელთა დაჯილდოების ხარჯებსაც.

კულტურის განვითარების ხელშეწყობა - 1244,0 ათასი ლარი;

პროგრამის ფარგლებში მუნიციპალიტეტი განხორციელებს სახელოვნებო სკოლების, ბიბლიოთეკების, მოსწავლე-ახალგაზრდობის ცენტრის, მუზეუმისა და კულტურის ცენტრის დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით

პროგრამის ფარგლებში გაგრძელდება სხვადასხვა კულტურული და დასვენების ობიექტის ფინანსური მხარდაჭერა, განხორციელდება სხვადასხვა კულტურული ღონისძიება, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა.

ახალგაზრდობის მხარდაჭერა - 14,0 ათასი ლარი;

პროგრამის ფარგლებში დაგეგმილია ახალგაზრდობის ინიციატივებით წარმოდგენილი სხვადასხვა პროექტების განხორციელება და სხვა.

ჯანმრთელობის დაცვა და სოციალური უზრუნველყოფა - 915,0 ათასი ლარი, მათ შორის:

საზოგადოებრივი ჯანმრთელობისა და უსაფრთხო გარემოს უზრუნველყოფა - 170,0 ათასი ლარი;

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ: არსებობის შემთხვევაში ცოვის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება; დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება; მუნიციპალიტეტის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა;

სოციალური პროგრამები - 745,0 ათასი ლარი;

კომისიის სხდომაზე დაისვა შემდეგი საკითხები:

- დაუყოვნებლივ მოსაწესრიგებელია ა(ა)იპ კულტურის სახლის გარე საპირფარეშო, რომელიც ავარიულ მდგომარეობაშია და ანტისანიტარიაა, აღსანიშნავია, რომ ამ საპირფარეშოთი ბავშვები სარგებლობენ.

- ასევე მწვავედ დგას აუზის საკითხი, სადაც არ არის დაცული ჰიგიენის ნორმები სტანდარტების შესაბამისად. ვითვალისწინებთ რომ ამ პრობლემის მოსაგვარებლად საკმაოდ დიდი ხარჯებია გასაწევი, მაგრამ საკითხი ეხება მოზარდების ჯანმრთელობას.

- შიდა გზების მოსაწესრიგებლად ბიუჯეტში გათვალისწინებული თანხა როგორც წინა წლებმა აჩვენა არასაკმარისია და/ან გამოყენებულია სხვა დანიშნულებით, კერძოდ მეწყერის შედეგად დაზიანებული გზების მოსაწესრიგებლად, ამიტომ ძირითადი პრობლემა რჩება მოუწესრიგელი და დღესაც ქალაქ ლანჩხუთის ცენტრალური უბნები სავალალო მდგომარეობაშია.

- კომისიის წევრები დაინტერესდა იყო თუ არა ბიუჯეტში საკმარისი თანხა იმ სადღესასწაულო ხარჯების დასაფარად, რომლებიც როგორც წესი ყოველ წელიწადს აუცილებლობას წარმოადგენს.

საფინანსო-საბიუჯეტო სამსახურის უფროსმა მითითებულ საკითხებზე აღნიშნა, რომ წარმოდგენილი ბიუჯეტის ფარგლებში შესაძლებელია ამ პრობლემების აღმოფხვრა, ხოლო რაც შეეხება საცურაო აუზის მოწესრიგებას, ამ საკითხთან დაკავშირებით შესაძლებელია გადაიდგეს ქმედითი ნაბიჯები.

საკრებულოს იურიდიულ საკითხთა და ეთიკის კომისიამ წარმოდგენილი ბიუჯეტის პროექტი მომზადებულად ცნო საკრებულოს სხდომაზე განსახილველად.

სხდომის თავმჯდომარემ კენჭისყრაზე დააყენა საკითხი.

კენჭისყრის შედეგები:

მომხრე-3

წინააღმდეგი - 0

ვინაიდან სხვა საკითხები კომისიის წევრების მიერ არ დასმულა, სხდომის თავმჯდომარემ სხდომა დახურულად გამოაცხადა.

კომისიის თავმჯდომარე:

ვერიკო კვიციანი

ლანჩხუთის მუნიციპალიტეტის საკრებულოს
იურიდიულ საკითხთა და ეთიკის კომისიის

დასკვნა №6

ლანჩხუთი

18. 11. 2021წელი

1. „ლანჩხუთის მუნიციპალიტეტის 2022-2025 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

დასკვნა:

საკრებულოს იურიდიულ საკითხთა და ეთიკის კომისიამ წარმოდგენილი განკარგულების პროექტი მომზადებულად ცნო საკრებულოს სხდომაზე განსახილველად.

2. „ლანჩხუთის მუნიციპალიტეტის 2022წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

დასკვნა:

საკრებულოს იურიდიულ საკითხთა და ეთიკის კომისიამ წარმოდგენილი ბიუჯეტის პროექტი მომზადებულად იქნა მიჩნეული უახლოეს საკრებულოს სხდომაზე მისაღებად.




კომისიის თავმჯდომარე:



ვერიკო კვიციანი

ლანჩხუთის მუნიციპალიტეტის საკრებულოს იურიდიულ საკითხთა და ეთიკის
კომისიის წევრთა დასწრების სარეგისტრაციო ფურცელი

18.11.2021 წელი
11:00 საათი

	სახელი, გვარი	გამოცხადების დრო	ხელმოწერა
1	ვერიკო კვიციანი	10:59	
2	კახა ბოლქვაძე	10:57	
3	გოდერძი ქურიძე	10:55	
4	კახაბერ ასკურავა	